

DRAI YU LIBI E'N GI PARDON



Les 10 fu 6 Yuni 2026

“Ma efu wi agri dati
wi sondu, Gado sa gi
wi pardon . Wi kan
fertrow dati Gado sa
gi wi pardon. Alaten
Ai du san reti. A sa
meki wi kon krin fu
ala takru sani di wi
ben du”

(1 Yoh.1:9)



A Wortu e bari dati, alasma sondu , wi no miti a marki fu a glori fu Gado".(Roma 3:23)

A owktu e taki , dati wi no kan dok fu wi sondu,noso puru wi sondu.(Yer.13:23 ; 2:22)

Ma Gado wani fu gi wi pardon fu wi sondu. No wan sondu de so bigi noso takru, dati Gado no wani fu gi pardon. (Yes.1:18)

Wan kondisi nomo de :Drai yu libi.



Drai yu libi:

 **Meki drai yu libi, wakti pikinso.**

 **Tru tru drai libi.**

 **A kari fu drai yu libi.**



Pardon:

 **A kenade fu pardon.**

 **Krosi fu pardon.**



DRAI YU LIBI



MEKI A DRAI LIBI WAKTI

"Yeises piki, a taigi en, Marta, Marta yu e weri yu srefi e'n broko yu ede nanga furu sani, ma wan sani nomo de fanowdu" (Luk. 10 : 42)


Na Lasares oso, Yeises taki abra prenspari sani, di sa tya te'go blesi. Ma Marta no arki. A no ben abi ten. A ben so furu sani fu du. (Luk. 10:40,41).



Disi owktu e psa nanga wi. Te wi sondu e'n a Santa Yeye e kari wi fu drai wi libi, Satan e sorgu fu meki wi abi so furu fu du, so furu span ede sani, noso someni sani di e hari wi fu no poti wi prakseri tapu fa sondu lontu wi, fu wi suku pardon.



Ma Gado no e gi abra. Ai tan kari wi (Esek.33:11) Ai poti wi sondu sei na sei nanga doti krosi. (Yes. 64:6) Ai presteri wi wan kenki: Wi doti krosi fu en krin krosi(Sakaria 3:4) krosi di wasi ini a brudu fu Yeises(Kon krin 7:14).



TRU TRU DRAI LIBI


"Meki wi drai go baka na Masra. A priti wi pis pisi ma A sa dresi wi. A gi wi mankeri , ma A sa tai den mankeri fu wi." (Hoseiya 6:1)

San na drai yu libi ? San na a difrenti fu tru tru drai baka nanga wan mek-meki wan ? (2 Kor.7:10)

Te wan sondu e tyari wante wante owktu sani di wi no wani,dan wi e sari. Na wan syen ,bika wi no lon gwe (sobu drai baka) ekte.Efu takru sani no ben kon bij, wi no ben sa firi sari fu san wi du. Disi a NO tru tru drai baka.

Te wi e sari fu di wi sondu , owktu abi wan dipi winsi fu kisi pardon (awasi takru sa miti wi),dan wi drai wi libi fu tru.

Te wi du sondu, a Santa Yeye " e priti wi pis pisi " owktu Ai " gi wi skin ati " fu di wi abi dipi sari ati. Efu wi sori tru tru sari fu ati, Gado e dresi wi, Ai gi wi pardon fu wi sondu.(Hos. 6:1).



A KARI FU DRAI YU LIBI

"Drai yu libi dan, drai go na yu Gado, sodati yu sondu kan figi puru, so den ten fu yu abi libi baka fu Masra, kan kon" (Bosk. 3:19)

Yohanes a Dopuman nanga Yeises bigin den wroko nanga a srefi boskopu: "Drai yu libi" (Mat.3:1,2;4:17).

Sainde a drai fu wi libi de prensari ? Bika sondro dati wi no kan kisi pardon fu sondu. (Bosk.2:38 ;3:19) Fa a sani disi e waka ?



Tangi fu en bun ati, Gado e kari wi fu drai wi libi. (Roma 2:4)

Wi e piki tapu En kari

Gado e gi wi pardon fu wi sondu, tangi fu brudu di Yeises meki lon na a kroisi. (Kol. 1:13,14)

Nanga tru tru sari ati fu den ogri di wi du

Nanga a tru tru besroiti fu libi a sondu

Prakseri dati drai yu libi nanga kisi pardon, alaten musu kenki wi maniri, di sa tyari dati wi sa tapu nanga sondu. (Yoh.5:14)



PARDON



A KENADE FU KISI PARDON

"Fu yu nen ede, MASRA, gi mi pardon fu mi ogri ,ala di a bigi."
(Singi 25:11)



No wan sani no de, fu dwengi Gado fu gi wi pardon. Noti no de fu wi kan kisi a pardon dati. Gado e gi wi pardon tangi fu en kenade;tangi fu en te'go lobi. En e gi pardon fu di A bun,,a de klar klari fu gi pardon.a lai nanga kenade.”(Singi 86:5, Eks.34:6,7).

En lobi tyari en go na a kroisi, fu ensrefi,dan a pai a paiman fu sondu , di wi no man pai.(Efeise 2:4,5).



Te wi e tyari wi sondu na a futu fu a kroisi,Yeises e fri wi fu a hebi di e masi wi. (Hebrei 12:1,2).



A SWITI FU PARDON

"Fu yu nen ede Masra, gi mi pardon fu mi ogri, ala di a bigi"
(Singi 25:11)

San na a libi makandra fu sondu nanga kenade ?

LIBI MAKANDRA FU SONDU NANGA KENADE

Roma 5:8

"Ala di wi ben sondu ete"

"Krestes dede gi wi"

Roma 5:20

"Pe sondu ben tan"

"kenade ben tan"

Roma 5:21

"sondu rigeri ini dede"

"kenade kan tiri ...miti te'go libi"

Roma 6:23

"a paiman fu sondu na dede"

"a kado fu Gado na te'go libi."




KROSI DI FITI PARDON

"A aksi,"Fa yu kon insei,sondro trow krosi, mi mati .? A man no man piki." (Mat. 22:12)


A Kerki fu Gado –sobu ala den membre – weri “ fini krosi,krin e'n brenki" sondro" flaka noso kroiki ,noso wan sani di no fiti.” (Kon krin 19:8; Efeise 5:27).

A fini krosi disi na wan sori fu “ den rekfardek du fu den santa wan"(Kon krin 19:8b) Ma a rekfardek disi a no fu den srefi ; na Krestes gi den.(Kon krin 7:14).



Di Adam nanga Eifa sondu, den tapu den syen nanga den eigi wroko, sobu san den du. Ma toku den si den srefi nanga soso skin na Gado fesi. (Gein.3:7-10). A krosi di Gado weri gi den ben de wan sori tapu. “ a trow krosi “ di Krestes e gi wi : en perfekti rekfardek di e figi wi sondu puru (Gein. 3:21;Singi 51 : 7-10).

No wan sma sa go na heimel sondro a krosi dati. (Mat. 22:1-14).



“En di wani tron wan pikin fu Gado, musu kisi na tru tru drai libi nanga pardon, tangi fu no wan tra sani,leki a ofrandi fu Krestes. A dyaranti fu disi musu meki a sondari du muiti di e waka skin skin nanga a wroko di du gi en, owktu nanga dipi aksi , pe a no e weri,a musu begi begi na fesi a kownusturu fu kenade, dati a krakti fu Gado kan kon ini en sili. Krestes e gi pardon, nomo na en di kon fu drai en libi, di a gi pardon fosi e'n meki a firi sari fu en sondu. A sani disi de hondro prosent e'n a te'go refardek fu Krestes,e kon tapu a nyan preti fu ala sili di e bribi. A krosi sondro flaka nanga kroiki,di nai ini heimel, ben seti kba fu den di abi sari ati e'n di abi bribi.”